



~~C 8288~~

Ud 5360

Biblioteka Jagiellońska



stdr0007433



- 1
- 2, *Epitaphia Cphi. Morzinii a Kurozwoki.*
- 3, *Dreover, Christoph. Radziwil.*
- 4, *Bursius, Oratio funebris.*
- 5, *Jacobellus, Feralis pompa in funere A. Corvini.*
- 6, *Kernek, Andr. Lipekipski.*
- 7, *Jacobellus, idem g. no. 5.*
- 8, *Ch. de Chaluz Chalucky.*
- 9, *Comenius, Spiegel Gottes Obigkeit.*

VITA, RES GESTAE, ET  
OBITU

STEPHANI  
REGIS POLO-  
NIAE:

Oratione Funebris expo-  
sita à

CHRISTOPHORO VVAR-  
SEVICIO.



BASILEÆ  
Per Leonhardum Ostenium.  
clō. 10. xii. c.



CHRISTOPHORI VVARSEVICII  
IN OBITVM STEPHANI  
Regis Poloniae,

O R A T I O.



Ixit Stephanus Rex, atq; utinam & viuere diutius potuisset. Magna enim hominum iactura est, sed Regum bonorum maxima. Quod me veram? Quae hoc loco verba faciam? Tali quippe Rege laudando, cui deesse posset oratio? sed pra dolore vox & omnia me deficiunt, cui ego parere non cupio, ac ne debeo quidem: ne, si priuato dolori cessero, ingratus sim erga Regem eum, cui nulla alia referri gratia amplius potest, nec vlla non debet. Qua tamen in re sic moderabor orationi meae, ut nec veram laudem ei detraxisse, neq; falsam videar affinxisse. Vos interim oro, ut auram benignitatis vestrae per portum in altum euehat hoc leue & demissum genus meum dicendi. Natus est Stephanus Rex anno Christi supra mille quingentos, tertio & trigesimo, V. Calend. Octobris, sub Ioanne Rege Hungariae, Stephano Battoreo Palatino Transylvaniae Patre, Catharina Thelegdia Matre, auis & parentibus clarissimis: ut potest cuius aui frater germanus, Matthia in Hungaria regnante, sexaginta Turcarum millia, quae in Transylvaniam irruperant, in campo vulgo dicto Panis, vna die profligauit. Fratres habuit germanos duos, Andream & Christophorum, hunc Palatinum Transylvaniae a se factum, illum Isabellae Reginae Hungariae supremum Palatii Praefectum: quibus cum circa patrimonij partitionem coniunctissime vixit, & hoc turbine ac tempestate Hungariae, in Somnio, tanquam in quodam sacario, religionem Catholicam sanctam rectamq; conseruauit. Optimarum artium & humanitatis studia domi primum attigit, & in ijs tantos profectus fecit, ut maximam virtutis & ingenij sui expectationem apud omnes excitaret. Demum a domestica disciplina ad aulam Ferdinandi Romanorum & Hungarorum Regis profectus est, quem honoris ergo Patrem Patriae saepius appellabat. Qua in aula, ob ingenij elegantiam, quanti fuerit, vel illud in multis argumento est, quod Catharinae Ferdinandi filiae, quae pri-

A 2 muna



912734



mum Duci Mantuæ, postea Sigismundo Augusto nostro Regi nupserat, Mantuam ad maritum deducendæ, honoris gratiâ adiungeretur. Magnus enim est honos in Principum versari comitatu, sed idem ille magnis viris etiam decoratur. Itaque vidit ea occasione, orbis terræ decus, & reginam prouinciarum Italiam, in ipso flore iuuentutis. Nec expers erat omni ex parte tam Italici quàm Germanici sermonis: morum autem & consuetudinum externarum ita gnarus, ut ijs de rebus eum loquentem qui audiret, nemo non vehementer miraretur. Etenim cum literis & lectione, tum verò usu & tractatione rerum, prudentia comparatur. Erat ille haud dubie in literis versatus, Latine ut scribere & loqui eleganter satis posset. Sed accedebat usus rerum gerendarum multò præstantior, ut tot populorum moribus & urbibus visendis, tot Principum aulis perlustrandis, quæ admodum ijs qui in sole ambulant accidit, omnia eius dicta & facta alijs audiendis & obseruandis, non potuerint non colorari. Neque enim hoc loco possum prætereire, quod ex ipsius ore aliquando audiui: Venisse eum cum Ferdinando suo Rege ad Augustana comitia, quæ Carolus V. Cæsar, à Saxonico bello reuersus, prima habuerat, & captum Ioannem Fridericum Electorem secum adduxerat: & tum quidem Cæsarem suam ei dexteram in comitatu Ferdinandi porrexisset: demum & Reginam Mariam sororem Cæsaris, cum alijs proceribus Hungaris, solenne epulum præbuisse: quæ natura & consuetudo Regine illius fuerat, externos, maximè Húngaros, apud quos aliquando regnauerat, honorandi. Quæ ego iccirco commemoro, ut, summis cum viris & Principibus versatum fuisse eum, sciamus: & qualis quantusque semper habitus fuerit, agnoscamus. Pauci enim Reges sunt docti: pauciores apud externos versati: paucissimi utroque exornati. Iam verò ab his, & eiusmodi (ut ita loquar) artibus & partibus Stephanus progressus, per omnes omnium honorum gradus, quò tandem peruenerit, videamus. Ludouico Rege à Turcis ad Mohacium interfecto, duobus Regibus Ioanne & Ferdinando simul electis, ciuili bello exarsit Hungaria. In hoc bellum, variâ fortunâ variisque temporibus gestum, patriæ suæ procellâ delatus, talē se præstitit, ut quarumcunque tandem partium esset, hostibus terrore, suis verò admirationi esse, passim & vbiue videretur. Quod tamen præter ætatem, & præter consuetudinem, nec opinanti euenisse nemo.

mo dubitauit. Est enim virtutis ubique magna inuidia, sed inter suos maxima. Quo etiam fiebat, ut cum germani Fratres tres Somlij cōiunctissimè (ut dixi) viuerent, & vnam ac orthodoxam religionem vnanimes amplecterentur, Mariani milites ab æmulis dicerentur. Quas nihilominus ipsorum voces, magno animo Rex contempsit, & mox inuidiam virtute superauit. Fuit enim (ut alia eius industriæ & virtutis signa taceam) fuit in Hungaria primus, qui, cum multa alia, tum etiam candentes globos, mirum & alijs longè præsentius incendiolorum genus, contra hostes, inuenisset. Quæ res, tantum ei nomen & bellicæ industriæ attulit existimationē, ut à Ioanne Vayuda Transsylvaniæ Principe, breui post Varadino præficeretur, & copias eius duceret, & summo denique in honore ab omnibus haberetur. Quo loco si quis fortè miretur, conatibus & consilijs eius exitum non semper respondisse, is meminisse debet, magnorum virorum gestas res, inique euentis ponderari: ac ut valetudinem ijs chariorem esse, qui morbo graui & diuturno oppressi, à limine mortis reuersi sunt, quàm ijs qui optimè semper & æquabiliter valuerunt: sic & homines non solum triumphis, sed & offensionibus belli securare recordatione secum repetendis, aliquando magis recreantur. Fuit quidem Stephanus noster terrâ iactatus & alto, (quod aiunt) variam & instabilem fortunam diu expertus est, multa aduersa tulit, multa pericula adiit, sæpè manus cum hoste conferuit. A Nartendio in pugna quadam captus & compedibus iniectis malè est habitus. Ad Hadanum contra Germanicas & Hungaricas Cæsaris copias infelicitè pugnavit, & vulnera penè lethalia aliquot accepit, quâ ipsa die, aut Stephanum in acie casurum, aut eo superato malo, magnum aliquando Principem futurum, quidam eius familiarium fortè prædixerat. Quid multa? vicit & victus est: fortunatus fuit: aduersos etiam casus aliquos habuit: cominus gladio, hastâ eminè depugnauit: flauit & reflauit ei aura vel nonnunquam, quo ipso est eritque semper admirabilis: virtutem eius posteritas alet, fouebunt literæ, & nec edax ætas, neque ulla vnquam in obscurabit obliuio. Tanta enim est virtutis vis, tantaque species, ut vel hostes virtutis ipsi in admirationem virtutis rapiantur. Quid? tantumne, inquires, militaribus studijs Stephanus deditus fuit? Imò verò & legationibus functus est honorificis, & fidem industriamque suam Patriæ probauit. Ac



primū quidem ad Ferdinādum & Maximilianum Cæsares, demū ad solum Maximilianum Legatus fuit: in qua ipsa legatione, ob turbatas se absente conditiones pacis, iussu Cæsaris Viennæ captus, & ultra biennium sub custodia est detentus. Gasparum Bekeschium eius rei auctore tradunt fuisse: cui cum Stephani virtus formidolosa esse cœpisset, ut à Transsylvania æmulum longius remoueret, aut etiam prorsus amoueret: qua auctoritate apud Transsylvanū fuerat, Batthoreo legationem imponi curauit, & mox Principis sui arma in Cæsarem vertit: ut, quod accidit Legato, nihil eorum conscio, periculum crearetur. Est enim proprium inuidiæ, eos circumuenire arte, quos non possit virtute superare. Illa tamen detentio, tantū abest, ut maculam aliquam Stephano inureret, ut etiam optandum ei fuerit detineri, dummodò cum virtutis & fidei suæ testimonio, in pristinam libertatem poneretur. Totum quidem illud detentionis suæ tempus optimis transmisit studijs, & tū antiquitatis monumentis, tū in aula Cæsaris summis viris & externis Legatis cognoscendis. Inter quos etiam erat vnus Franciscus Crassinius, qui Sigismundi Augusti Regis Poloniae apud Cæsarem tū Orator, tandem verò Episcopus Cracouiensis factus, pro Stephano in libertatem asserendo magnopere laborauit. Mortuus est tandem Ioannes Transsylvanus, Sigismundi Augusti Regis nostri sororis filius: cuius morte, ad nouam noui Principis in Transsylvania electionem est peruentū. Erat tū Spiræ in comitijs Bekeschius apud Cæsarem Legatus, quem Transsylvanus successorem sibi designare, & ille ad eius Principatum iam pridem aspirare, multorumq; gratiam & fauores sibi aucupari non dubitauerat. Quapropter non temere difficultatis aliquid, ab æmulo habiturus visus est Batthoreus, cum subito eius virtus, nō secus ac flamma quædam fulgere cœpit, & in adeundo Principatu multis passibus Bekeschium superauit. est em virtus & inuidia fumo & flammæ simillima: & sicut ab inuidia ceu quodam fumo virtus initio obscuratur, sic dignitate acutus elucet tandem is, cui virtutis ergo merito illa confertur. Electus est igitur non eblanditis, sed enucleatis suffragijs: non alicuius ope aut patrocinio, sed virtute, & ingenio suo admirando. Atque hīc tamen non cessauit Bekeschius: sed, vel eo etiam, Batthoreo magis minari, ac aquas & perniciosas res, audacter in eum moliri vehementius cœpit.

pit. Quibus ille de consilijs certior factus, praeuenire quā praeueniri potius ratus, arcem Bekeschij Fogareffum interceptit: eoq; ipso vix fugā elapso, omnem illum Transsylvaniæ motum compescuit. Nascentes enim domi seditiones, aut repente opprimēdæ, aut quouis alio consilio sunt potius auertendæ. Bonis exutus fugatusq; Bekeschius, contulit se ad Maximilianū Cæsarem, quem diu multūq; sollicitatum, eò tandem perduxit, ut ex praesidijs Hungaricis militū manus ei daretur: qua Transsylvaniā repetere, & eius dominatū tandem aliquando posset potiri. Sed neque tū conatibus eius fortuna aspirauit: victus est graui & aduerso praelio: ac primū quidem in Poloniam, mox in Hungariam Cæsarianæ ditionis, se recepit, auxilijs omnibus vnde quaque desperatis. Iam tū Batthoreus rerum suarum securus, & animo ac existimatione auctus, non solum de Transsylvania retinenda, sed de acquirenda quoq; Polonia cogitabat. Quæ de causa pro comitijs electionis, Legatos suos in Poloniam misit, regiam dignitatem ab Ordinib. regni postulatū. Vidisses rem miram: cum Cæsare Maximiliano per Archiepiscopū Gnesnensem primū renunciatō, frequens fremēsq; nobilitas, Annam Iagelloniam, & eius maritum Stephanum Batthorem regē nominauit. Qui principio quidem, Cæsaris Legato Teuffenbachio à regno suscipiendo eum dehortante, paulò hæsit, sed mox suorum animos celeritate aduentus confirmauit. Venit enim in Poloniam tū, & cum Anna Iagellonia matrimoniū iniuit, diademaq; regni accepit: cum Maximilianus Cæsar Ordinibus Imperij Ratisponæ comitia indixisset, & totus in eo esset, ne, imperij auxilijs nudatus, ad eundæ Poloniae spe frustraretur. Quæ utriusq; consilia adeo plurimi mirabantur, ea ut diuinitus proficisci non dubitanter affirmarent. Sic enim (ut dixi) Maximiliano celebranti comitia mors obrepit, quæ occultā quadam fatorum viā, hoc reguum tranquillauit. Sub idem ferè tempus sua etiam Polonica habuit Rex comitia Torunij: & morte Cæsaris Maximiliani auditā, ex incerto, certum sibi regnū fecisse iam videbatur: cum subito Gedanensis erupit tumultus, nouitate rei atrox, motu grauis, inclinatione temporum formidandus. Hunc tamen Stephanus Rex ita pacauit, ut primū quidem praelio Dersauiensi Gedanenses fregerit, demum & aliquot mensium obsidione presserit: ac tandem interponentibus pro ijs se aliquot præcipuis



puis Germaniæ ducibus, ad officium reuocauerit. Quo eodem ferè, aut paulò superiori tempore Bidgostiam literis publicæ fidei nō impetratis, ad regem Bekeschius supplex venit, & nō modò culpæ veniam, sed egestati etiam suæ luculentum inuenit perfugium. Tanta enim clementia Rex erga eum fuerat, & tantum ei cōfidebat, vt aliquoties somno graui oppressus, solum Bekeschium, in penetrabilibus ædium, circa se versari proximè pateretur. Quæ tamen spes & de Bekeschio concepta opinio, minimè Regem fefellit, magnam verò mansuetudinis laudem eidem attulit, ad memoriam posteritatis sempiternam. Sed ad propositum reuertamur. Bellum Gedanense secuta sunt Varfauiciſia comitia, in quibus maxima post hominum memoriam pecunia impetrata, bellum est decretum contra Ioannem Basilij filium, magnum Moschorum Ducem: cuius cū diu multumq; aliàs, tū verò hoc Stephano regnante in Liuania nobilitata est crudelitas. Quem ille ita domuit, vt quemadmodum sua audacia, vicinorum ignauia paulò ante creuisse, sic Stephani regis virtute, nostrorum verò fortitudine, animo & viribus concidisse videatur. Erant præterea superiori interregni tempore, sine certo ordine ac ratione, à nobilitate vsurpata quædam iudicia, quibus publicæ quieti & tranquillitati cauebatur. Itaq; in iisdem illis Varfauicibus comitijs, ea iudicia denuò Rex firmavit, & prudentia sua certisq; legibus definiuit. Quo, haud scio, si quid aut nobilitati beneficio gratius, aut nominis sui famâ ad posteritatem transmittenda, facere potuisset illustrius. Nihil enī iustitiâ est popolare magis, quæ paulò ante speratu quàm obtentu facilius videbatur. Peractis Varſouia comitijs, & Georgio Friderico Marchione Brandenburgensi in Prussia Duce, more & instituto maiorum, in fidem & clientelam regni publicè & solenni cum cæremonia accepto, in Russiam sese contulit: in cuius metropoli, Podkouam hominem Valachum & obscurum, specie quadam militiæ, libertate & domicilio regni abutentem, pacemq; publicam perturbantem, capite truncari imperauit Leopoli: cū maximarum rerum cura & cogitatione distectus, integram penè æstatem transgisset, Cracouiam est profectus: vbi magni Moscouiæ Ducis timidos & sibi præſidentes audiuit Legatos, cum moderationis animi sui gloria, & admiratione omnium singulari. Qui quidē animi tumor, tanto magis in Moscho, & eius Legatis

gatis est notabilis, quantò recētior erat victoria, de numeroſo eius exercitu parta: qui Vendam oppugnans, à regijs copijs cum Suecicis coniunctis, grauissimè fuit profligatus. Dimissis Moschi Legatis, & externorum militum conscribendorum ergò, certis turmarū præfectis in vicinas regiones ablegatis, tandem in Lituaniam profecturus, venit Rex Varſauiam, atq; ibi mensis vnus spatio moratus, mox Reginâ Coniuge valere iussâ, in eam ipsam discessit Lituaniâ, quam ex quo in Poloniam venerat, nondum attigerat: toto illo tempore agitans animo bellum, quod, pro salute & dignitate Reipubl. contra immanem & hæreditarium harum prouinciarum hostem, administratum cupiebat. Deum immortalem! quanta tum in aduentu eius in Lituaniam lætitia! quanta gratulatio! quantus fuit concursus! quantum non dicam Ordinum sed hominum inter se certamē, in eo ac tali Rege ad bellum omni ratione iuuando atq; promouendo! Præstat enim Ducis virtus & scientia vnus, magnis inconditis exercitibus. Hanc igitur Lituaniâ Rex aduentu suo non tam recreauit quàm auxit, non tam passibus quàm victorijs perluſtrauit. Primum autem Polociam à Moscho Lituanijs aliquando ademptam, aggressus est: ac vna & eadē expeditione Socolam, Suſſam, Cozianam, Nieſcerdam, Craſnam, Vſuiatâ, hostiles arces & munitiones, in potestatem suam redegit: Magna hæc & penè admirabilis vnus expeditionis erat victoria, autumnno Cracouia suscepta, hyeme in Lituania apparata, extremâ & tempestuosâ æstate in agro Polociensi confecta & terminata. Nam & in expugnatione Socolæ hostiliū copiarum Duces, Seremetus & alij sunt capti, & aliquot Moschorū millia cæsa ad internecionem, nobiles quidam Palatini capti, Polociâ ingens tormentarij pulueris & commeatus omnis generis vis ablata: totus deniq; ille Polociensis tractus, à quo nō iam Lituaniæ, sed Vilnæ ipsi imminabat periculum, est recuperatus. Itaq; reuersus tandem est Vilnam cum triumpho Rex, & mox Grodnam, ac inde, ad conuentum habendum Varſauiam, in viam se dedit: cū Grodnæ Gasparum Bekeschium, graui antea morbo, & demum vigilijs apud Polociam confectum, non sine dolore amisisset. Iam verò Varſauienſibus comitijs ad gerendum & continuandum bellum pecunijs imperatis, multorumq; exterorum Principum Legatis auditis,



in Lituaniā Rex rursus se recepit. Variè tum Moschus cum eo agere, & extrahendi temporis etgò non tam oratores quàm exploratores suos solebat ad eum allegare. Quibus tamen artibus, & Moschi pollicitationibus circumueniri se non passus, adulto iam in Lituania vere, & virentibus campis, exercitum duxit ipse in expeditionē: vbi cū per inuia & immensa terrarū spacia iter fieret, pro se quisq; sentiebat aliquid incommodi, ipse saltem Rex omnes omnium rerum temporumq; iniurias, patiētissimè perferebat. Casnikos quidem vt peruenit, habita deliberatio est, vtrū Velicolucos an Smolenscū placeret proficisci: quæ hostiles vrbes seu munitiones, pari interuallo distare videbantur. Tandem verò vincente omnium sententia, Velicolucos est itum, qui paucorum dierum oppugnatione Moschicis Legatis inspectantibus, capti & in potestatem regiæ sunt redacti, hominum millibus aliquot, qui obstinatiū se defenderant, interfectis, magis furore Martis, quàm irā victoris. Quanquā violatā à Moschis fide, & nauatā contra se eorū operā, quos captis munitionibus incolumes dimittebat, non poterat non vehementiū commoueri. Ingrati enim id efficiunt, vt gratis etiam fons perennis benignitatis exarescat. Captis demum Velicolucis, Neuelia, Zauolocia, & vniuersus Velicolucensis ager in regiam peruenit potestatem: Lituania post multos annos Velisio est aucta. De superbo deniq; hoste, ea est parta victoria, quæ omnium Regum & populorum ora in nos conuertit, & huius regni gloriam penè inter mortuā excitauit. Erat paulò antè mortuus Regis frater Christophorus Trāsfyluania princeps: post cuius mortem Sigismundo eius filio impuberi, Amurates Turcarum Imperator, tributum dimidio maius imponere conabatur, sed Regis nostri eius patris auctoritas tāta apud Turcam fuerat, vt æquiorē se tandem ei præstaret, & nihil infestū in Transfylvania moliretur. Qui etiam breui post idem, Ianiculam Valachia regulum, ob iniurias quas vicinæ nobilitati intulerat, in Regis gratiam principatu spoliavit. Quo demum in Poloniam profugo, ac Leopoli capite truncato, Rex omnem Valachi prædam apud se retinuit, & aliquot Turcæ minaces legationes ad se missas, eam prædam repetentes, dignitati suæ posthabuit. Imò verò & Teinia à Kozakis deleta, & aliquot castellis, in confinio contra Tartar

ros opportunè erectis, testatus est, quantū expediat Reipub. præstantem animo Regem, & bellandi gloriā clarū, huic Imperio præstare. Etenim fortitudine regiā, rerumq; à nobis gestarum famā, alie quoq; gentes & nationes, vt vel suspiciant, vel contemnant nos, facile commouentur. Iam ergo Velicolucis & alijs locis præsidij firmatis, nouā quadam contagione morbi omnes tūm peruadente, per immensam Neueliensem syluam, superatūq; difficillimam, in Lituaniā Rex contendit: & quoniam Varfauic indixerat comitia, ad ea celebranda sine mora properauit. Erat tūm non nemo, qui à bello cessandum, & hostem pacis conditiones vltro petentem, castigatum, missum faciendum, dictitabat. Verū ille magno & excelso animo, hæc consilia reiiciens, aut Liuiōniā regno restituere, aut cū perfido & insidioso hoste, vel quouis tandem exitu, bellum voluit terminare. Est enim infida cum hoste pax, non pax, sed pactio maioris bellicę tempestatis. Aggressus est, ergo contra Moschum, & persecutus bellum tertium, Ordinum summa consensione decretum, voluntate erga Rempub. iustum, principio paululū dubium, exitu tandem & victoriā gloriosum. Progressus est magno ad Plefcouiam cum exercitu: Ostrouiam, quæ illi oppugnanda prima se obtulerat, cœpit: nec mora, & Plefcouiam ipsam irruptione pertentaui. Dices, non omnium optimè id ei cecisse: & oppugnationem illam non suo modo, ordine, loco, tempore institutam & perfectam extitisse. Dicas sanè quod velis, nec verò illud etiam negaueris, in re & arte bellica, multos multa opinari: cū verò ad rem est ventum, nec, quod sciunt, posse, nec, quod possunt, velle perficere. Magnorum artificum opera exposita esse inuidiæ, non deesse vbiq; Phormiones: & faciliū notare aliquem vitia etiam minima, quàm summorum hominum virtutem, virtute exæquare. Nos quidē belli ipsius fructum & exitum videamus, qui talis est, vt Liuiōnia prouincia, pro qua occupanda tam diu multumq; Moschus laborauit, tantos sumptus fecit, tantum sanguinis suorum hostiumq; sudit, eo nobis accederet: ille verò totus animo & viribus frangeretur. Memini ego hunc ipsum Regem in castris ad Plefcouiam, (quem vtinam in cœlo beatum sic possim aspicere) memini, inquam, dicentem mihi, cū in Sueciam legatum missurus, prius in locum, tractandæ pa



ci cum Moscho destinatū, me ablegaret, decreuisse se, extrema pati potius quā ut in fraudem Reipub. vel tantillum in Liuania terra, in qua Moschus vestigium faceret, ei relinquatur. Perfectum igitur est, summā Dei Opt. Max. benignitate, curā & auctoritate. Sacrosanctæ Sedis, auspicijs Regis, fortitudine Ducis, Legatorū industriā, inuicti exercitus tolerantia & perseverantia, ut vniuersa, quæ Moscho parebat, Liuania, nostræ fieret potestatis. Quā partā, geminatam legationem ad Regem Sueciæ affinē suum, mittere placuit, quā, quod adhuc reliqui in Liuania erat, certis conditionibus sibi ab affine concedi Rex postulabat: & demum his ita gestis, ad constituendam Rempub. totum se conuertit. Erat ab eo superioribus conuentibus postulatum, ut de modo & ordine electionis certi aliquid constitueret. Omnium quippe comitiorū magnus est æstus, sed electionis maximus. Itaq; à bello victor reuersus, indixit Varſauiæ totius regni conuentum, & in ordinem deliberationem posuit id, quod certa forma & ratione electionis præscribenda, ad salutem & dignitatem Reipub. in primis spectare iudicauit. Sed latere hic aliquid, nonnulli suspicabantur, infectisq; rebus, tam ex illis quā ex proximè præteritis comitijs discessum est, exemplo, ut mea quidem fert opinio, non satis ad posteritatem comendato. Sunt enim parui animi, & inopis consilij friuolæ suspensiones, argumentum: magno autem animo, multiplici consilio, Respublica gubernatur. Spe suā frustratus Rex, clauum nihilominus non abiecit, ad quem diuino nutu, & potestate erat positus, sed eo etiam magis, quo pacto fidem & operam suam laboranti Reipub. probare posset, nulli vnquā rei & tēpori indormiuit. Mahmetes primū, deinde Aſchlan Cherei Tartarorum Cham eius regno imminebāt: hos perterritus, & ad mittendam legationem adegit: Podoliam eorum armis obnoxiam pacatiorem cultioremque reddidit. Magnus Moschorum Dux est mortuus. Mox Haraburdam in Moscouiam misit, & gentis illius consilia penitioraque omnia scire & peruestigare contendit, ad mittendam deniq; ad se legationem Moschouiam excitauit: nouas & perniciosas res moliri Riga cœpit: hanc primū literis, post & militibus suis sic exterruit, ut per Curlandiæ Ducem supplex veniam petere, & Grodnam ad Regem legationem mittere, non dubi-

non dubitaret. Multæ in Lituania & Liuania arces muniendæ erāt: quoad melius potuit, & præsidio com meatuq; confirmauit. Salina non ita multum pecuniarum, cum in regnum venisset, in ærarium importabant: has ferè dimidio auxit. Gedanenses & Rigenses ad pendendum portorium adduci poterant nunquā, hos adduxit. Vectigalia regni accisa fuerant: hæc Marienburgensi, Grodnensi, Derpatensi, Samboriensiq; œconomiā, tot prædijs & præfecturis ei adiunctis locupletauit. Venationes, quibus Lituania claret, imminutæ videbantur, has circa Grodnam ita excoluit, ut toto orbe terrarum, plurimarum & diuersissimarum ferarum venatus nusquam sit maior & copiosior. Postremò, dimissis Grodnā Moschouia oratoribus, qui ad eum splendido & frequenti aduenerant comitatu, in eam curam totus incubuit, ut suo tempore & loco haberentur comitia: in quibus quā multa honesta, vtilia, necessaria decerni voluerit, legationes eius, per omnia omnium regni prouinciarum municipia sparsæ & dimissæ, testantur. Iam verò quid ego de virtutibus eius multis & maximis loquar? Quid pietatem in Deum, charitatē in patriam, beneficentiā in omnes proferam? Quid iustitiam? quid fortitudinem? quid mansuetudinē? quid temperantiam eius commemorem? Maiora hæc sunt, quā, ut non dicam mea, quæ minus quā mediocris est, sed eloquentissimi etiam cuiusq; viri par esse possit ijs oratio. Infer oculos in omnes regni huius partes: Cracouia, Vilnæ, Lublini, Polocia, Claudiopoli, Societatis Iesu templa & gymnasia, ab eo partim fundata, partim locupletata intueri: quibus omnibus clarissima extant vestigia erga Deum Opt. Max. illius ardentissimæ pietatis. Amor verò erga hanc Remp. quantus fuerit, comodisq; & ornamentis ipsius omnibus quomodo prospexerit, ac, si deniq; vita suppetiisset, prospicere adhuc magis quomodo voluerit, docent hæc magnifica templa & ædificia publica ab eo erecta: Domus verè regia Grodnæ exstructa, Ecclesia ædificari cœpta: Lobſouia nouis ædificijs aucta: Xenodochium Varſauiæ conditum, & emptis possessionibus ditatum. Arx denique Varadinensis totius Translyuania propugnaculum, magnā eius curā & sumptu munita, facit testatum. De liberalitate & beneficentiā eius non loquar, cum difficile sit eos, quos beneficijs affecit, percensere omnes, post-



ponere alijs alios indecorum iudicatur. Tantum illud & quidē verē & liberē dicam: nullum vnquam post conditum hoc imperium, Regem fuisse, qui paratis seu numeratis pecunijs dandis, maiori liberalitate & beneficentia erga nos vteretur. Iustitia fuit tanta, vt vitā prius quam rectā sententiā decederet: nec vllius meritorum aut cōditionis rationem in iudicio haberet: nec deniq; publicorum munerum, aut dignitatum, mercatum vllum institueret. Est enim omnis mercatura vilis, sed dignitatum vilissima: à quo ille ita abhorruit, ita ius dixit, ita iustitiam coluit, vt Salomō alter in iudicio præsidere videretur. Testes sunt ista lachrymæ & suspiria populi: testis squallor & moeror regni vniuersi, testes bonorum omnium voces, qui non dominum sed parentem, nō Regem sed libertatis suæ vindicem & patronum amisisse se, profiterentur. Age quanta mansuetudine, & fortitudine pariter fuerit, videamus: quas ille virtutes, quodammodo inter se disiunctas, diuturno rerum vsu & prudētiā coniunguit. Fuit enim, si quis vnquam, fortissimus, siue in aduendo hoc regno eius animum confideres, siue tot pericula adita, tot vitæ incommoda, tot maledicta, magno animo ab eo lata intruere, & tamen vicissim tam clemens & mansuetus fuerat, vt non magis virtutem eius hostes pugnautes timuerint, quam placabilitatem victi fuerint admirati. Quo etiam est factū, vt, si vixisset diutius, Moschouitico imperio auctum eum fore plurimi augurarentur: Quam verē nescio: illud quidē nō dubitanter affirmabo, magnam virtutis & benignitatis ipsius vel apud hostes famam fuisse: eo verò salutaris accidere nihil Reipub. potuisse: Coniunctæ enim vires crescunt: distractæ pereunt. Restat vt de Temperantia, frugalitate, & sobrietate ipsius, pauca adhuc verba faciam. Quanquam hoc frugalitatis nomine, præpotentes & magnanimos Reges, laudari scio non solere. Fuit ergo in victu, vestitu, veneris, omnibusq; voluptatibus, quibus potentiores dissuere solent, continens & moderatus. Fuit omnibus comis, aditu & allocutione facilis, intelligentiā sagax, linguā ad respondendū promptus: fuit & obrectatoribus adulatoribusq; infestus, eum, qui aliquē apud eum accusasset, cum expediebat, celare non est solitus: idem fidei, quæ silentio debebatur, custos eximius: ita denique virtutibus omnibus cumulatus, vt non iam præceptionibus

ceptionibus, sed instituto vitæ, non hortatu, sed exemplo suo, multos à luxu, parsimoniā, ab impuritate, morum, continentia, ab omni vitiorum genere, & turpitudine, decore & honestate auocare niteretur. Quo quantum quidem effecerit, iudicent alij, mihi satis fuerit digitum ad fontem (quod aiunt) intendisse: & qualē & quantum, in hac Repub. Stephanus se præstiterit Regem, ostendisse. Est sanē factū incredibile, ea quæ tot seculis delapsa fluxerunt, paucorum annorum spatio, vincere vnum potuisse. Licet tot tantosq; capite plexos, tot infamiā ab eo notatos, liceat numerare. Multis voluisse sat est, lampas (quod aiunt) quæ tradetur, mortuorum studia & instituta facilius illustrabit. Sed age progrediamur, & quā multa & nobiles eius etiam sententiæ, quā multa breuiter & acutē dicta, quā multa plena reconditæ sapiētiæ atq; doctrinæ, videamus. Solebat ille crebris vsurpare id sermonibus: Qualis quisq; Princeps in vita fuisset, supremam eius diem non obscure demonstrare. Multos sibi sepulchra condere, & centum millibus passuum ab eis mori atq; tumulari. Homines si vel indices ab alijs fraudarentur, cū hominibus & non cum brutis animantibus, viuere oportere. Pugna locum in campo aliter eligi, aliter in ædium penetralib. cogitatione designari. Multos de principum consilijs iudiciū ferre, sed non per æquē esse conscios causarum. Polonos, si Hungaris sapientiores Regibus eligendis non fuerint, nec futuros esse feliciores. Multa & magna alia dicta & sapienter eius consulta lubens prætereo, ne longa eorum enumeratione sim molestus. Iam quāta dignitate oris & actionis, quantā habitudine corporis, quantā & quā admirabili militari facundiā præditus fuerit, quæ deniq; & quāta animi & corporis ornamenta omnia habuerit, longum esset percerere. Quare, si olim Gaditanus quidam Titi Liuij famā cōmotus, ab vltimis terris visum eū Romā venit, simulq; ac vidisset, discessit, quot & quantos putamus venturos ad hunc Regem fuisse, si quis & quantus fuerat, penitus eum cognouissent? Omnia namq; in eo cōcurrebant simul, virtus, sapientia, potentia, vsus & tractatio rerū, cognitio linguarum, literæ, cura, cogitatio, & omnes deniq; artes tam belli quā pacis. Quid igitur dicat aliquis? nihilne erit, quod in eo quoq; reprehendas, nihil nobis relinquant in vita moribusq; eius notandum, quod à rebus



à rebus se indignis Regum etiam alij fortasse absterreantur? Est enim magistra morum & frenū improbitatis historia: cuius cum ista laudationes, quæ in clarorum virorum morte aut funere fiunt, magnā partem occupare soleant, quid obstat, quò minùs ijs, quæ laudanda erant, enarratis, vitia etiam modestè breuiterq; notentur, ne solis laudationibus mendosa sit oratio? Quo nomine rerum Romanarū scriptor, nescio quis, Romanos suos reprehendit. Itaq; sic dico, sic pronuncio, sic me intelligi volo, quòd aliqua etiam quæ in Stephano reprehendi poterant, tandem vobis relinquo, & Regem hominem esse fateor, ea lege & caligine sæculi natum & versatum, vt hanc sarcinam corporis deposuisset, quam hominem totum exuere potuisset, priùs non videatur: Sed illud vicissim contendo, per omnem vitam dedisse illum operam, vt quàm minimis paucissimisq; vitijs laboraret. Etenim cum sine vitijs viuere non possumus, expedit, vt eo minora paucioraq; habeamus. Fuit sanè, quàm Regem fortasse decuisset, in iram pronior: an, cum recollegisset se, mox non fuit sedatus & moderatus? Dissimulare quod prudentiæ est, nunquā voluit: at & simulare, quod malignitatis habetur, ne cupiuit quidem: Domesticis multis multa credidit: & consilia sua aliqua, quàm par erat, citius in vulgus manasse intellexit. Fuit persuasui facilius: fuit & obstinatio aliquando. Fuit valetudinis negligens, & vitæ prodigus suæ: quod pericula tot ab eo adita, tot superata testantur mala. Fuit plus, quàm regium videbatur, diligens ac experiens paterfamilias: Interim etiam æs alienum nobis dissoluendum non reliquit, & ea quæ accepit, non tantum sarta rectaq; cum conseruauisse, sed etiam amplificauisse quis ignorat? Multa & magna tributa à nobis exegit: multa & magna vicissim ijs perfecit. Vrbes & ædificia ampla vitabat: minora oppida & rura frequentabat. Promissorum erat tenax: sed & in promissis cunctator est notatus. Magnarum rerum fuit admonitus: sed & in magnis lapsus est vel nonnunquam. Ingratus erga aliquos est dictus: non est quod laudem, si verè, pectoris mei angustia non capit, si temerè. Illud quidem dico, vt ingrati animi magnum est vitium, sic non commemorari sed exprobrari videtur beneficium, quod quò maius difficiliusq; relatu sit, eò pro gratia odium sæpius retulerit. Religiosus videri potius quàm esse putabatur,

vel

vel ab hoc extremo eius actu vitæ sumpto argumento: suspicari, intellectus imbecillitatis & hominum est vitium: certò scire & cognoscere, opera sunt diuinitatis. Illud ego quæro, num satis non fuerit, cum tua omnia omnibus probare non possis, bonis saltem si probaueris? & quisquam dubitabit, hæc leniora vitia pensasse cum virtutibus etiam singularibus, omnes antea vitæ sordes, pietate & castimonia eluisse, dedisse non adumbrata, sed expressa signa suæ religionis atq; virtutis: rerum postremo gestarū splendore & magnitudine (ut ita loquar) suos in corpore natos obscurasse? ita, vt & Regem fuisse, & multa regia eum in se habuisse, nemo negauerit: & cum virtutibus proprijs, tum vitijs etiam alienis magnum & admirabilem Principem totā Europā extitisse. Nisi fortè, vt dictum est, in hoc extremo quasi actu vitæ, in eo aliquis aliquid desideret: dissimilem quodammodo sui dicat fuisse, & tantum itineris ardui, tantum longinquæ profectiois sine sacro comite, sine cœlesti viatico, conficere cum voluisse: Cui ego sic respondeo, ne id quidem prætermittere, si pauculas horas superuixisset, eum cogitasse. Iamq; cum mors institisset, cum mēbra gelida essent omnia, cum difficilis anhelitus occupasset præcordia, sic Christianæ philosophari eum non destitisse, & interruptis, ac morientibus vocibus, ad Senatorē quendam hæc protulisse: Liceat, inquit, mihi affari te illis Tertulliani verbis: Annos tres & quinquaginta exegi: qui quales sint, scio, quales futuri sint, ignoro. Enimuerò dubium esse potest, quàm hoc pie & religiosè dixerit: quàm porro præceptus & lubricus iste sit agonis locus: quàm deniq; omnia in homine plena spei & confidentiæ videantur. Floret hinc, marcescit illic: totum se confert huc, mox transeat illuc: sperat & expirat, fortis quilibet, Imperator. Noster quidē Stephanus ita vitam egit, vt in contemnenda morte sapiens videri vellet: Mortem certè ipsam obliuioni non traderet, spiritum suum pro Republ. vilem duceret, sed salutis æternæ iacturam ne faceret, sedulo procuraret: venationibus multum temporis daret, sed & cultum diuinum quoad eius fieri maximè poterat, nunquam negligeret, ac de breui & incerto exitu vitæ, dies noctesq; cogitaret. In hoc, inquam, cum totus esset, à venationibus Grodnam reuersus, ex magnis illarum regionum frigoribus, repentinos horrores sentire cœpit,

C

pit,



pit, & domi aliquandiu præter morem conqueuit. Mox verò aduē-  
tante Dominico die, continere se nō potuit, quominus in templo,  
sacro & concioni publicæ interesset. Vnde demū prægrauante mor-  
bo, corpore vasto & repleto, membris omnibus iam antè debilita-  
tis, ægritudine animi & corporis auctâ, extinctus est Idibus Decem-  
bris. Nos in hoc squallore & gemitu, in his miserijs, in hac interre-  
gni reliquit tempestate: vt cuius antea virtute intercludi hostiū au-  
dacia, cuius occupatione otium, labore quies, industriâ commoda  
& ornamenta nostra contineri, hæc eadem omnia eius interitu col-  
lapsa & prostrata videātur. Quæ cum ita sint, si Boleslao Chabri Re-  
ge olim mortuo, vniuersa Polonia, totum annum in tanto luctu &  
squallore fuit, vt nec conuiuia vlla, neq; choreæ celebrarentur, ne-  
que cultioribus vestibus nobilium virorum, aut sceminarum quif-  
quam vteretur, nos tandem in huius & tanti Regis morte quid fa-  
ciemus? Quas voces edemus? Quo dolore & gemitu mortuū pro-  
sequemur? Amisimus sapientem Regem, iustū iudicem, fortem &  
strenuum bellatorem. Perdidimus decus & splendorē patriæ, præsi-  
dium stabilitatis, ornamentum dignitatis nostræ. Hic demū Rex,  
non modò nobis præfuit, verumetiā profuit: non solū nos rexit,  
sed & texit: non solū seruauit, verumetiā beauit: non modò no-  
bis detraxit calamitatem, sed & auxit cum imperio dignitatē. Quo  
abijisti Pater? Quo raptus es Gubernator? Quis te nobis abstulit  
Præsidem & Vindicem libertatis? Siccine cæteris animantibus vita  
erit longissima, hominib. breuissima? Viuent annos alij Nestoreos,  
tu in medio felicitatis cursu, in media rerum gerendarum via nos  
deseres? Gaudium luctus, mœror gratulationes, gemitus lauda-  
tiones nostras intercludet: heu quam fallaces spes, & inanes  
hominum sunt cogitationes! Tu hostium nostrorum terror, tu  
amplificandorum commodorum & ornamentorum auctor,  
tu noui imperij conditor esse debuisti. Tu verò in squallore &  
gemitu, tu orbatos ope, consilio & auctoritate destitutos tuâ, nos  
reliquisti: tu in beatissimarum mentium concilium, tu in illum plē-  
num syderum & illustrem locum, longè a nobis discessisti. Nos ia-  
ctamur

ctamur his interregni fluctibus: nos tot & tantis scōpulis expositi str-  
mus: nos tanquam sine nauclero naus in alto fluitamus. Tibi præ-  
ter hoc mortale corpus decessit nihil: expers es malorum omniū:  
pro hac caduca & fragili vita (si vita & non mors potius est dicen-  
da) cumularis beatitudine sempiternâ. Nos quidem, quam iam  
tibi gratiam aliam referamus, non habemus, quàm beneficijs tuis  
erga nos memori mente colendis, & meritis virtutibusq; tuis præ-  
dicandis. Si omnibus, quibus cum vixeras, placuisti, debuisti, si id  
non præstitisti, neque omnino potuisti. Tua in Hungaria adoleuit  
pueritia: in Germania & Italia exercuit se adolescentia: virtus illu-  
strata est in Polonia. Rerum abs te splendorem & magnitudinem  
totus terrarum orbis est admiratus. Haussisti inde ab incunte ætate,  
diuinarum humanarumq; rerum cognitionem omnium: versatus  
es in varijs muneribus & aulis Principum: functus es legationibus  
amplissimis: idem semper fuisti temporibus durissimis: adijisti pe-  
ricula plurima & maxima: non in vmbra & ocio, sed semper in acie  
& certamine es versatus. Hostes dominandi libidine inflammatos,  
potentiâ feros, vicinitate infestos, famâ rerum gestarum formida-  
biles alijs, domuisti. Expertus est tua arma rebellis subiectus: gra-  
uifer sensit Moschus: Turca timuit: Scythia perhorruit. Ampla in Pa-  
tria munera industriâ, honorificas legationes fide & diligentia,  
Transsylvaniam fortitudine, Poloniam consilio, omnia honoris  
insignia virtute es consecutus. Aucta est per te Polocia & Velisio  
Lituania, recuperata Liuania, pacata Podolia, Mechmete & Af-  
chlan Cherei Tartarorum Chanis perterritis, Podkoua & Iancula  
Valachis castigatis, Amuratis Turcæ inuicissimis legationib. con-  
temptis, omnium Regum, Principum, & populorum nationumq;  
ora in te sunt conuersa. Plena denique & referta sunt cuncta, ma-  
gnificentiâ, bonitate, & religione tuâ: tot tantaq; templa, Xenodo-  
chia, arces, ædificia crexisti. In victoria, quæ superba & insolens est,  
te ipsum vicisti: Rex bello clarus, pace iustus, consilio grauis, animo  
inuietus extitisti. Sed finis sit: Bonorum enim Regum exaggerata  
mors, mortis est Reipubl. quasi initium: quæ cum immortalis esse  
debeat, nefas est in vnius mortalis vita, positam eam esse opinari.



Te ego Deus Opt. Max. Regum & regnorum auctorem omnium,  
 te, inquam, imploro & obtestor, vt quemadmodum hunc Step-  
 hanum Regem, per omnes omnium bonorum gradus, ad regium fa-  
 stigium euexeras, tot bonis auxeras, tot & tam præstantibus victo-  
 rijs illustrâras: ita ei defuncto, noxarum veniam, huic regno flora-  
 tissimo Europæ propugnaculo, illibatæ domicilio libertatis,  
 concordiam, Regem deniq; pium, iustum, fortem,  
 prudentem, beneficum, quamprimum  
 nobis largiaris.

D. I. X. I.



C. S.  
 S T E P H A N O I.  
 R E G I P O L O N I A E  
 I O H A N N E S D E S A M O S C I O  
 C A N C E L L A R I V S

&amp;

S V M M V S D V X E X E R C I T V V M,  
 L E O P O L I I N R V S S I A, I N E X S E,  
 Q V I I S S O L E N N I B V S  
 P.

S T E P H A N V S, R E X P O L O N I A E,  
 M A G N V S D V X L I T H V A N I A E,  
 P R I N C E P S T R A N S S Y L.

V I C T O R, T R I V M P H A T O R, P A T E R P A T R I A E,  
 S T E P H A N O P A L A T I N O, C A T H A R I N A Q.  
 T E L E G D I A N A T V S

Anno clō. lō. xxxiii. Kal. Octobris, Moritur  
 Anno clō. lō. lxxxvi. Idib. Decembr. Regnauit

Annos X. Menses vii. dies xii.  
 Iudicia constituit:

LIVONIAM, POLOCIAM QVE prouincias recepit:  
 Fines LITHVANIAE latiss. VELISSIEN-  
 si agro adiecto protulit:

Perterritis MACHMETE primū ac deinde Aschlāhereis  
 C 3 TAR.



TARTARORVM CHANIS:

PODOLIAM pacatiorem cultioremq; reddidit:  
AMVRATEM TVRCARVM IMPERATOREM,  
Vt à TARTARO pacem legatione missa peteret,  
Et BENDERIA à KOZAKIS deleta nil moueret,  
Nouaq; Castella finibus imponi pateretur,  
Opinione virtutis permouit continuitq;  
Stipendium maius, TRANSYL. imperium ineunti  
SIGISMUNDO fratris impuberi,  
Imponere molientem,  
deterruit:

IANCVLAM, VALACHIAE regulum, ob iniurias,  
quas vicinæ Nobilitati intulerat,  
deicere adegit:

Thesaurosq;, qui cum ipso VALACHO in potesta-  
tem suam uenerant, repetentem  
spreuit.

Omnium REGVM, PRINCIPVM ac POPVLORVM,  
NATIONVMQ;

cum ora in se conuertisset,  
Maiora pro republica & re Christiana animo agi-  
tans, Ac in primis

MOSCHOVIAM POLONIAE,  
LITHVANIAE QVE, aggregare studens,  
XIII. Decembr. subito extinctus est.

O MORS inuida, Non extinxti  
VIRTVTEM BATTOREAM.  
Immortalis est.

STEPHANO POLONIAE REGI,  
VICTORI, TRIUMPHATORI, PIO, PATRI PATRIAE:  
IOHANNES DE SAMOSCIO, CANCELLARIVS  
summus DVX exercituum regni,  
Pro uita, quâ salutî gloriæq; eius omnibus bellis pe-  
riculisq; deuouerat,  
Deo, non se, ita uolente superstes has lachrymas, cum  
GRISOLIDI BATTOREA, Vxore sua,  
Regi, Patrono, Affinîq; suo reddit.


---

Viueres, STEPHANE maxime, Viueres,  
Nec POLONIA VNGARIA QVE,  
Nec nomen CHRISTIANVM lugeret,  
Nec improbi barbari gauderent:  
Sed uiuit DEVS, haud solido exultabunt gaudio.

---

MILITES POLONI.


DEVOTI nomini meritisq; erga Rempublicam,  
STEPHANI POLONIAE REGIS inuicti,  
PATRISQVE PATRIAE pientis.  
Te superstite pro salute gloriâq; tua,  
Sanguini non pepercimus,  
Nunc quid aliud quàm lachrymas miserabiliter  
fundere possumus?  
Quo DVCE patriæ fines proferemus? Quo uel BARBA-  
ROS à ceruicibus reñciemus?  
STEPHANE terror hostium, quàm subito quoque mo-  
do te amisimus!  
O nimis atros POLONIS nominiq; CHRISTIANO  
IDVS Decembres,













Hist. Polon  
a. Mifcell.



